



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format


Adapt — remix, transform, and build upon the material

391



- 6 NOV 2011





№ 66



51549-3
U-40
Уч.

ՆՆՂ ՕՐԵՐԻՅ ՄԻԿԸ

1787



ԹԻՖԼԻՍ

ՆԵՂ ՕՐԵՐԻՅ ՄԷԿԸ

Պատրիկեանը մի հայեացք ձգեց իւր հնացած հագուստին, նայեց կօշիկների ծռուած ծայրերին, դուրս եկաւ սենեակից, դուռը փակեց, բանալին գրպանը կոխեց, անցաւ բակի երկայնքով և բարձրացաւ տանտիրոջ բնակարանի ընդարձակ պատըշգամը, որը, մաքուր ու կարմրաւուն, պըլպըւմ էր հայելու պէս, առաւօտուայ արևի պայծառ ճառագայթներով ողողուած: Նրան թւում էր, թէ անասունները, երբ նրանց սպանդանոց են տանում, ճիշտ նոյնը պիտի լինին զգալիս, ինչ որ զգում էր ինքն այդ րոպէին: Նա մի վտիտ երիտասարդ էր, հազիւ երեսուն տարեկան, խիստ բաբի աչքե-

Дозволено Цензурою, 16 Декабря 1904 г. Тифлисъ.

րով և անվստահ շարժումներով: Խոհանոցից դուրս հեղուկ իմերէլ ծառային խնդրեց կամացուկ, որ տանտիրոջն իմաց տայ, թէ ինքն ուզում է տեսնել նրան: Ծառան, չուխայի յետ ծալած երկայն ու լայն թևերը վայր թողնելով, գնաց նրա խնդիրքը կատարելու, իսկ Պատրիկեանը մնաց խոհանոցի մօտ և բաց լուսամուտից նայում էր ներս, որտեղ խոհարարն, ամբողջապէս ըսպիտակազգեստ, վարժ ձեռքերով փետրահան էր անում նոր մորթած հաւեր և բերանով ինչ-որ պարբերգ էր շվշվացնում: Ծառան դուրս եկաւ և հեռուից ձեռքով արաւ նրան: Պատրիկեանը զգուշօրէն անցաւ պատըշգամով, դռան մօտ սրբեց ոտները, ծառայի առաջնորդութեամբ մտաւ ճաշասենեակը, այնտեղից—ընդարձակ ու խիստ բարձր դահլիճը, որը կորած էր հսկայական ծաղկամանների, աթոռների, աթոռակների, բազկաթոռների, սեղանների, զահաւորակների և բազմոցների մէջ, և կանգ առաւ տանտիրոջ առանձնասենեակի առաջ: Ծա-

ռան դուռը բաց արեց, ներս հրաւիրեց նըրան, իսկ ինքը հեռացաւ:

Տանտէրը, — խիստ ջղուտ, կարծես բրնձից ձուլուած մի տղամարդ, մօտ 50—60 տարեկան, սպիտակախառն կոշտ մազերով և սրածայր կարճ մորուքով, — նստած էր թղթերով, թղթապանակներով, գրքերով և անթիւ մանր-մունր բաներով ծանրաբեռնուած ահագին գրասեղանի առաջ և գլուխով էր:

— Ներեցէք, ես՝ իսկոյն, — ասաց նա, մի վայրկեան նայելով այցելուին պենսնէի վերևից, և շարունակեց գրել:

Պատրիկեանը մնաց կանգնած:

— Խնդրեմ նստեցէք, — ասաց տանտէրը, շարունակելով գրութիւնը:

Պատրիկեանը կամաց նստեց, գլխարկը ծնկների վրայ բռնած, և նայեց շուրջը: Սենեակը զարդարուած էր, դահլիճի պէս, փարթամօրէն: Կահաւորանքի մէջ աչքի էր ընկնում ոչ այնքան ճաշակը, որքան փափկակեցութեան թուլութիւնը: Ուր նայում էր, տեսնում էր գորգ ու թաւշեայ բարձիկներ:

Կար և մի ահագին գրադարակ աղակեայ
դռներով, որի բոլոր դարակները լիքն էին
ուկեկազմ գրքերով՝ դորքի պէս խիստ կա-
նոնաւոր կողք կողքի շարուած: Այդ գրա-
դարակն էլ, անշուշտ, սենեակի անհրաժեշտ
ճանաչուած կահաւորանքից մէկն էր կազ-
մուծ, այլապէս Պատրիկեանը չէր կարծում,
թէ տանտէրը ժամանակ ունենար այդ
ստուարահատոր գրքերից որևէ մէկը ձեռք
առնելու, որովհետև չափազանց զրաղուած
էր իւր մասնաւոր և հասարակական գործե-
րով—նա գործարանատէր էր, քաղաքային
խորհրդի իրաւասու, քաղաքային մի քանի
յանձնաժողովների անդամ, բանկի վարչու-
թեան անդամ, կլուբի ակազ և եկեղեցու երէց-
փոխ: Պատրիկեանը հայեացքը դարձրեց
տանտիրոջ վրայ և տեսաւ, որ նա գրում է
ձեռքի համարձակ շարժումով և անդադար
կրծում է վերին շրթունքը ձախ կողմից:

—Նուս, ի՞նչ կը հրամայէք,—ասաց տան-
տէրը, գրութիւնը վերջացնելուց յետոյ և
սև մարմարի ծանր ծծողականը թրխկթրխ-
կացնելով գրած թղթի վրայ:

—Ես... ներեցէք,—արտասանեց Պատ-
րիկեանն իւր ասելիքը նախապատրաստած
մարդու շիտթմունքով:—Երեկ գիշեր դուք
նորից յիշեցրել էիք սենեակիս վարձը... Ես
եկել եմ խնդրելու, որ, եթէ կարելի է, մի
քանի օր սպասէք դարձեալ:

Տանտէրը վերցրեց պենս-նէն, ար-
մուկններով կրթնեց գրասեղանին և նայեց
նրան իւր լուրջ ու եռանդուն աչքերով:

—Եղբայր պատուական,—ասաց նա,—
ես, կարծեմ, եօթն օր է, որ սպասում եմ, չէ՞:
Պատրիկեանն աչքերը վայր թողեց:

—Այո, բայց... խնդրում եմ, դարձեալ
մի քանի օր... եթէ կարելի է...

—Բանը մի քանի օրուայ մէջ չէ: Մի
քանի օր, ինչո՞ւ չէ, կարելի է սպասել, և
տեսնում էք, որ սպասում եմ: Բայց ցաւն
այս է, որ մի քանի օրից յետոյ, երբ դար-
ձեալ ես ինքս ստիպուած կըլինիմ յիշե-
ցնելու ձեր պարտքը, դուք կը դաք ինձ մօտ,
ինչպէս այժմ էք եկել, և դարձեալ կըլին-
դրէք, որ դարձեալ մի քանի օր սպասեմ:
Ես այդ փորձով գիտեմ և այդ քանի վերջը

չեմ տեսնում: Ուստի մի անգամ առ միշտ կանոն եմ շինել ինձ համար, որ երբ կենողներիցս որևէ մէկը չի վճարում իւր բնակարանի վարձը կանոնաւորապէս, նրան առջարկում եմ անմիջապէս դատարկել բնակարանը: Չեզ էլ ասում եմ, եթէ չէք կարող վճարել, դատարկեցէք սենեակը: Ես ինքս ամեն ամիս վճարելիքներ ունիմ, և իմ պարտատէրս, բանկը, չի սպասում, որ ես ըստպասեմ:

Տանտէրը խօսում էր վճուական տոնով և սուբ-սուբ նայում Պատրիկեանի խեղճ ու կրակ դէմքին:

— Ես հասկանում եմ ձեր դրուժիւնը, — թոթովեց Պատրիկեանը, թէ և ամենևին չէր հասկանում, թէ ինչպէս կարող էր ամսական իւր վճարելիք մի քանի ուլերին որևէ նշանակութիւն ունենալ այդ հարուստ մարդու համար: — Բայց դուք էլ, ինդրում եմ, մտէք իմ դրուժիւնը: Ես ուսուցիչ էի գաւառում. այժմ գլորոցներ չունինք, և ես անգործ եմ: Ուղում էի գնալ արտասահման ուսուսու շարունակելու. դիմեցի մի քանի բարերարներ-

բի, մերժում ստացայ: Յետոյ մտայ մի խանութ իրրև հասարակ մի գործակատար. յոյս ունէի, թէ ինայողութեամբ այնքան կը հաւաքեմ, որ կարող կըլինիմ ձգտումս իրագործել, բայց հիւանդացայ և ինայած բոլոր փողերս ծախսեցի: Հիմա ես ոչինչ չունիմ. օրեր են պատահում, որ քաղցած եմ մնում...

— Ի՞նչ հարկաւոր է, որ այդ բաները պատմում էք ինձ, — շտապեց ընդհատել Պատրիկեանին տանտէրը, և նրա բրոնզեայ դէմքի վրայ երևացին դժգոհութեան պարզ նշաններ: — Դուք կըթուած երիտասարդ էք, և ձեր պատուասիրութիւնը չպէտք է թոյլ տայ, որ ուրիշի պատմէք ձեր մասնաւոր կեանքը: Ես էլ հազար ու մի ցաւ ու դարդեր ունիմ, նստեմ պատմեմ ձեզ: Լաւ չէ, այդ լաւ չէ: Ասում էք՝ մի քանի օր, — համեցէք, կըստպասեմ. միայն ես չեմ հասկանում, թէ ի՞նչպէս պիտի կարողանաք վճարել, քանի որ ասում էք, թէ ոչինչ չունիք և անգործ էք:

— Ես... գիտէք... ես... մի-երկու գիրք ու-

նիմ տպաղբած,—ասաց Պատրիկեանը շփոթուած, կարծես ամաչելով, որ այդպիսի բան ունի արած.—երկար ժամանակ է, որ չեմ մտել գրավաճառանոց. այսօր կըմտնեմ. երևի այնքան ծախած կըլինին, որ...

—Դուք գրո՞ղ էք,—հարցրեց տանտէրը, զարմացած նայելով նրա շփոթուած աչքերին:

—Այո:

—Ի՞նչ էք գրում:

Պատրիկեանը գլուխը բարձրացրեց և նայեց նրան ամօթխածութեան ժպիտով:

—Ո՞վ գիտէ... գրում եմ, էլի...

—Դէ, դուք գիտէք,—ասաց տանտէրը և վերկացաւ: — Ձեր կողքի կենողը, այն հրէայ այրի կինը, որ դանակներ և կողպէքներ է ծախում բակի դռան մօտ, տասը տարի է, որ կենում է, և չեմ յիշում մի ամիս, որ ամենայն ճշտութեամբ վճարած չլինի սենեակի վարձը, չնայելով, որ մէնամինակ այնքան էլ ահագին ընտանիք է պահում: Ասելս այն է, որ... Ինչևիցէ, ցտեսութիւն: Մի քանի օր կըսպասեմ:

Պատրիկեանը դուրս եկաւ ինչ-որ յի-

մարական մի ժպիտ դէմքին: Պատշգամում հանդիպեց տանտիրոջ նիհար ու ազեղ աղջկան և նրա կոկես դաստիարակչուհուն, որոնք թևանցուկ զբօնում էին աշխարհային արևի ախորժելի ջերմ ճռագայթների տակ և շարդում էին ֆրանսերէն: Երկայն պատըզգամով անցնելիս աշխատում էր քայլել այնպէս, որ նրանք չտեսնեն իւր անգրավարտիկի մաշուած-պատառոտուած տոտերը: Նա իջաւ բակը և դէպի փողոց տանող լայն անցքի մէջ, բակի դռան մօտ, տեսաւ հարևան հրէայ կնոջը՝ նստած տախտակէ հասարակ մի աթոռակի վրայ, երկայն ու նեղ սեղանի կողքին, որի վրայ որոշ կանոնաւորութեամբ դարսուած էին ամեն տեսակ դանակներ, մկրատներ, կողպէքներ, պորտոմոնէսներ և այլ մանրուէքներ: «Երջանիկ կին. համ ինքն է ապրում իւր ահագին ընտանիքով, համ էլ սենեակի վարձը տալիս է ամենայն ճշտութեամբ»—մտածեց Պատրիկեանը և նրա մօտով անցնելիս բարևեց նրան:

—Ձաչե՞մ ժեգողնեա նե բղալի գաղեալօյի վաղը (ինչ՞եւ այսօր տաք ջուր չվեր-

ցրիք),—կանչից նրա յետևից հրէայ կինը ուռսերէն, հրէաներին յատուկ առողգանութեամբ սփռելու և ինչ ոչ հնչելով:

Պատրիկեանը կանգ առաւ և նայեց նրա բարի գիրուկ ղէմքին նոյն յիմարական ժպիտով:

—Որովհետև շաքարս հատել էր, —պատասխանեց նա մի տեսակ անհոգութեամբ: Հրէայ կինը զարմանքից մինչև անգամ վեր կացաւ իւր աթոռակից:

—Այ քեզ բան, — բացականչեց նա:— Շաքար էլ կը տայինք, ի՞նչ կայ որ...

—Չէ, առանց այն էլ ես շատ եմ պարտական ձեզ...

—Ի՞նչ պարտական... Ամեն օր միքանի բաժակ տաք ջուր տալով մեծ բան ենք արել, ինչ է: Շաքար չունէիք, կանէիք. մի երկու կտոր շաքարն ի՞նչ բան է որ...

—Բան չկայ, մի օր թէյ չըլլածելով չենք մեռնիլ, —ասաց Պատրիկեանը, ծիծաղեց նոյն անհոգութեամբ և շտապեց դուրս գնալ փողոց:

Այդ փողոցն իսկապէս քաղաքի վա-

ճառաշահ շուկաներից մէկն էր՝ լի աղազակով և ժխորով: Ժամը տասին մօտ էր: Արեւ նոր սկսել էր հալել գիշերը կտուրներէ վրայ նստած եղեամբ, որն այժմ ջուր դառած՝ կտկտալով թափուում էր երկայն ջրախողովակներով ներքև և մայթերի վրայ փոքրիկ գրեր էր կազմում: Պատրիկեանը զգաց, որ ստուերի մէջ օդը բաւական ցուրտ է ու խոնաւ, և, ձեռքերն անզբաւարտիկի գրպանները կոխած, աշխատում էր գնալ այն տեղերով, ուր արևը թափում էր մաքուր երկնքից իւր ճառագայթները: Սակայն արևի տակ էլ նրա մարմինը սառստում էր. նրան թւում էր, թէ դրա պատճառը ոչ թէ աշնանային եղանակն է և այն, որ ինքը տաք չի հագնուած, այլ այն, որ այդ սառուօտ ոչ թէյ է խմել և ոչ որևէ բան կերել: Մրսում էին առաւելապէս ձեռքերը, որոնց ինչքան էլ աշխատում էր կուչ ածել իւր երկարամիայ սիւրտուկի կարծ թևերի մէջ, այնուամենայնիւ դաստակները բաց էին մնում:

Պատրիկեանի առաջին գործն այն եղաւ,

որ մտաւ գրավաճառանոց: Յոյս ունէր, թէ այնքան կըստանար, որ, սենեակի վարձը հանելուց յետոյ, դեռ մի բան էլ կը մնար իբրև ապրուստի փող: Սակայն, գրավաճառանոցում նրան ասացին, որ վերջին երեք ամսուայ ընթացքում իւր երկու գրքերից մէկն ամենևին չի ծախուել, իսկ միւսից ծախուել է հինգ օրինակ միայն և, կոմիսիայի տոկոսը հանելուց յետոյ, նրան յանձնեցին 1 ու 20 կ.: Պատրիկեանը, հիասթափութեան ժպիտը գէմբին, փողը գրպանն ածեց և դուրս եկաւ գրավաճառանոցից՝ ճնշուած այնպիսի մի զգայման տակ, որպիսին ունենում են անսովոր մուրացիկները ողորմութիւն ստանալուց յետոյ: Ամօթի և նուաստացման կարմիրն երեսին, մի բոպէ կանգ առաւ դուրսը գրավաճառանոցի լուսամտաւի առաջ, որի թեթև քրտնած ապակիներէի միջից մի հայեացք ձգեց ցուցանակի վրայ հըպարտօրէն շարուած ուսերէն փարթամ գըրքերին, ապա նրանց կողքին մի անկիւնում ամօթխածութեամբ կուշ եկած հայերէն վտիտ գրքոյկներին, յետոյ երեսը շուռ տուեց և

հեռացաւ՝ խորասուզուած ինչ-որ դառն մըտածմունքներէ մէջ: Նա մոռացաւ թէյի փափագն էլ, քաղցն էլ և, որովհետև ուրիշ տեղ չունէր գնալու և մըսում էր, քայլերն ուղղեց գէպի խմբագրատուն:

Խմբագրատանն, ինչպէս միշտ, այս անգամ ևս նստած էր մէն-մինակ բարտուղաբը—չորիկ-մորիկ մի երիտասարդ պարզ ակնոցով և աջ ձեռքի ճկոյթի վրայ աճեցրած կէս վերջեկաչափ սրածայր եղունգով,—և արագ գըրում էր երկայն ու նեղ թղթերի վրայ, ճկոյթը խիստ որոշակի առանձնացրած հարեան մատներից: Պատրիկեանը, իբրև պարապ մարդ և իբրև ձրի աշխատակից, խմբագրատան ամենօրեայ այցելուն էր, այնպէս որ քարտուղարն ու նա, որոնք մըտերիմ բարեկամներ էին, այլ ևս չէին բարևում իրար տեսնելիս: Այս անգամ ևս Պատրիկեանը մտաւ քարտուղարի սենեակն առանց բարևելու, նստեց գրասեղանի ծայրին, վերցրեց տեղական ոռու լրագրներէից մէկը, որոնցից քարտուղարը լուրեր էր թարգմանում, և յետեց կարգաւ: Տօղական լուրե-

րից մէկը կարգալուց յետոյ հարցրից.

— Ինչո՞ւ այս լուրը չես նշանակել:

— Ո՞ր լուրը, — հարցրեց քարտուղարը, շարունակելով գրիլ:

— Զափինեանի մասին: Հրաւիրուած է այս ձմեռ արքունական թատրոնում երգելու համար:

— Հէքն անիծեմ, — սրտանց արտասանեց քարտուղարը, առանց գլուխը բարձրացնելու թղթի վրայից: — Մեզ ի՞նչ օգուտ:

Պատրիկեանն, ըստ երեւոյթին, համամիտ եղաւ նրա հետ, որ Զափինեանի արքունական թատրոնում երգելուց ոչ մի օգուտ չպիտի ունենար հայ հասարակութիւնը, ուստի ոչինչ չառարկեց:

Ներս մտաւ տպարանական փոքրիկ աշակերտը մրտտ երեսով և կոպոյտ բլուզով, որի մէջ սրթսրթում էր ցրտից նրա վտիտ մարմինը:

— Նութ, — ասաց նա, իւն ու հնչելով:

— Սպասիր մի քիչ, — ասաց քարտուղարը, և գրիչը նրա ձեռքին սկսեց շարժուել աւելի արագ: Նա շտապով գրեց վեր-

ջացրեց թուղթը և գրած միտ թղթերի հետ միասին ծալեց տուեց աշակերտին: — Ահա, տար և որ էլի գալու լինիս, հարցրու քանի կողոն է պակաս:

Աշակերտը դուրս գնաց, գլխարկը փողոցում ծածկելով:

— Դէհ, Պատրիկ, պարագամի նստիր, — ասաց քարտուղարն ակնոցն ուղղելով և նոր գործի պատրաստելով: — Նիւթ չունինք, մի բան գրիր ձեռաց:

— Տրամադրութիւն չունիմ, — ասաց Պատրիկեանը մեկամաղձօրէն:


— Ես հետիկ է որ խեղդուած եմ, այ, տրամադրութիւնից:

— Դու մեքենայ ես դարձել:

— Շատ մի խօսիր, գրիր, հոգիս դուրս է գալիս: Գիշերն էլ մինչև ժամը երկուսը տպարանումն եմ անցկացրել, որովհետև սրբազրիչը հիւանդացել է:

— Ո՞ւր է խմբագիրը, ինչո՞ւ չի օգնում:

— Գնացել է փող ձարելու, որովհետև տպարանատէրը սպառնացել է, որ եթէ այսօր փող չստանայ, համարը բաց չի թող-



7786

նիւ: Էգուց-էլօր բաժանորդագրութիւն ենք բանալու, և յանկարծ — այսպիսի խայտառակութիւն... Գրիր, գրիր, խօսելու ժամանակը չէ:

— Ի՞նչ գրեմ:

— Ի՞նչ ուզում ես, միայն թէ գրիր:

Պատրիկեանը դանդաղօրէն մի բանի թերթ թողթ քաշեց առաջը, գրիչը թաթախեց թանաքամանի մէջ, կարճ ժամանակ մտածեց և գրեց վերնագիրը՝ «ԵՆԵՔ ԱՄԻՍ ԵՒ ՀԻՆՔ ՕՐԻՆԱԿ ՄԻԱՅՆ»: Այստեղ նա կանգ առաւ, ճակատը շփեց և, երկար մտածելուց յետոյ, սկսեց. «Այս օրերս պատահեցի մեր երեսասարգ գրողներից մեկին, որի համար կրիսիկան կամ այն, ինչ որ մեզնում կրիսիկա է անուանում, միաբերան վկայել է, որ բուսական ձիւր ունի: Նա գանգատուեց ինձ, որ անագին նեղութիւններով հրատարակած իւր մի գրքից ետե՛ք ամսում վաճառուել է նինգ (հարիւր չկարծէք) հաս միայն: Այս իրողութիւնը շատ լաւ ծանրաչափ կարող է լինել ցոյց տալու համար մեր հասարակութեան ընթերցասիրութեան չափը եւ, միեւնոյն ժամա-

նակ, շատ դառն մտածումներէի առիթ է տալիս մեր գրականութեան ապագայի մասին: Մեր հասարակութիւնը...»: Պատրիկեանը նորից կանգ առաւ, մտածեց, մտածեց, յետոյ գրիչը վայր գրեց և ասաց.

— Այստեղ ոչինչ չի կարելի գրել, մատներս փետացան:

— Տօ, գրիր, է,—բղաւեց քարաուղարը, որի գրիչը նորից արագ շարժում էր թղթի վրայ: —Վաղուց է՞, որ այդքան քնքշացել ես: Կարծես թէ քո սենեակը սրանից տաք լինի:

Պատրիկեանը սառած ձեռքերը շփեց իրար, բերնի գոլորշիով տաքացրեց մատները ծայրերը, նորից առաւ գրիչը, գիծ քաշեց «Մեր հասարակութիւնը բառերի վրայ և շարունակեց. «Ձիւր է, չի կարելի պնդել, թէ մեր հասարակութիւնն ընթերցասէր չէ, բայց...»:

— Կարելի՞ է մանկել,—լսուեց մի ուժեղ բարխտոն:

Պատրիկեանը և քարաուղարը միաժամանակ բարձրացրին գլուխները և նայեցին

դէպի նախասննեակի դուռը: Այնտեղ կանգնած էր մի թիկնաւէտ երիտասարդ բեխերն ու մորուքը սափրած և ցիլինդրը ձեռքին: — Խնդրեմ, — մեքենայաբար արտասանեց քարտուղարը:

Այցելուն մտաւ խիստ անձնավստահ քայլերով և ներկայացրեց իրեն.

— Զափինեան: Երևի գիտէք, որ ես հրաւիրուած եմ այս սեզոնին արքունական թատրոնում երգելու:

— Ա՛խ, ինչպէս չէ, — արտասանեց քարտուղարը, մեքենայաբար վերկենալով տեղից և ականայ յարգանքով սեղմելով երգչի ձեռքը: — Խնդրեմ նստեցէք:

Նա շփոթուած էր այցելուի գեղեցիկ ու ազգու արտաքինից և, ժանաւանդ, նրա անունից, որը բաւական հուշակ էր սկսել վայելել ռուս մամուլի և հասարակութեան մէջ:

Զափինեանն արագ նստեց, ցիլինդրը դրեց գրասեղանի վրայ, ձեռնոցը ձգեց ցիլինդրի մէջ, յետոյ տեսնելով, որ գրասեղանը

ծածկուած է փոշով, ցիլինդրի տակ մի լրագիր դրեց:

— Խմբագիրն այստեղ չէ, — հարցրեց նա:

— Դժբաղդաբար, ոչ, — պատասխանեց քարտուղարը ստրկական-յարգական ժպտով և ականայ ուշադրութիւն դարձրեց երգչի կարմիր ատլասի փողկապի վրայ հուրհրատին տուող խոշոր ագամանդի վրայ: Նա նորից նստեց և չէր խմանում ինչպէս անի, որ այցելուի աչքից ծածկի իւր կեղտոտ մանժեաները:

— Իբրև հայ երգիչ, իմ պարտքս համարեցի այցելել ձեր խմբագրատունը, — ասաց Զափինեանը: — Երևի գիտէք, որ ես սովորել եմ Իտալիայում, որտեղից, սրանից վեց տարի առաջ, ինձ հրաւիրեցին Օդեսսա: Երկրորդ տարին երգեցի Իրկուտսկում, յետոյ մի-մի սեզոն երգել եմ Նարկով, Կիև, Մոսկուա, իսկ անցեալ սեզոնին երգում էի Պետերբուրգում: Այժմ եկել եմ Թիֆլիս: Թիֆլիսն երաժշտական քաղաք է և կարծում եմ, որ կըգնահատի ինձ: Ներեցէք,

դուք ստանձամ էք մայրաքաղաքի թերթերը:

— Ինչպէս չէ:

— Ուրեմն անշուշտ կարդացած կըլինիք ինձ վերաբերիալ ռեցենզիաները: Ամենքը գովում են: Մի քանի հայատեաց թերթեր միայն, ինչպէս «Новое Время»-ն և «Свѣтъ»-ն, աշխատում էին ինձ գլորել, որովհետև հայ եմ և չեմ ծածկում, որ հայ եմ, բայց չաջողեցան: Մի քանի ստրկահոգի հայեր խորհուրդ էին տալիս ինձ, որ ես ազգանունս եան վերջաւորութիւնը ջնջեմ, որպէս զի չերևայ թէ հայ եմ, ինչպէս անում են ուրիշ հայ երգիչներէց մի քանիսը, բայց ես այդ բանը ցածութիւն համարեցի: Ես հայ եմ և հայ էլ պէտք է մեռնեմ: Օղեսսայի անտրբարեննօրս փորձեց ինձ նոր հրաւիրած ժամանակ աֆիլի վրայ ազգանունս գըրել Զափինի. բայց ես շատ քաղաքավարութեամբ հասկացրի նրան, որ ոչ մի պայմանով թոյլ չեմ տալ իտալացի մկրտելու ինձ, չնայելով որ իտալացի երգիչների անունը շատ յարգի է մուսիայում: Կեղծիքը պախարակելի է ամեն բանում, իսկ այստեղ

կեղծիքը հաւասարազօր կըլինէր ազգութայնութեան, որն աւելի ևս պախարակելի է: Այնպէս չէ:

— Ի հարկէ, — համաձայնեց քարտուղարը նոյն ստրկական ժպիտը դէմքին:

Երգիչը խօսում էր երկար և բացառապէս իւր մասին: Նրա ձայնը հնչում էր առողջ և ինքնավստահ:

— Ինչևիցէ, — ասաց նա և յանկարծ վերկացաւ: — Ես ձեզ չխանդարեմ: Իմ խոնարհ յարգանքներս պ. խմբագրին: Յոյս ունիմ, որ նա, ինչպէս և դուք, շնորհ կըրերէք լսելու ինձ: Իմ առաջին դերբուտը լինելու է ամսոյս տասին. երգելու եմ Անգլիոյ: Յետոյ դուրս կըգամ «Մագետա»-ի, «Ռոբո»-ի, «Կուպեց Կալուցնիկով»-ի, «Յարսկոյա Նեւեսա»-ի, «Ժիգն գա Յարեա»-ի, «Ռուպան եւ Լիլիպիլա»-ի, «Ռուս պկա»-ի և ուրիշ օպերաների մէջ: Յաեսութիւն:

Զափինեանն ամուր և երկար սեղմեց քարտուղարի ձեռքը, թեթեակի գլուխ տուեց սեղանի ծայրին կուչ եկած Պատրիկեանին և դուրս գնաց նոյնպիսի արագ քայլերով:

ինչպէս որ մտաւ, յատակը թրխկթրխկաց-
նելով իւր պլպլան կօշիկներէ խիստ բարձր
ու բարակ կրունկներով: Քարտուղարը մինչև
գուռը ճանապարհ գրեց նրան և երբ վե-
րադարձաւ, ձեռքերը խփեց իրար և բացա-
կանչեց ասլշած.

—Փնհ... Տեսա՞ր, Պատրիկ: Ճանաչում
ե՞ս՝ ով էր: Երեկ-մէկէլ օրո՞ւայ քելիս ուտող
տիրացուն էր, է... Խմբագիրը պատմում է,
որ երբ երէցփոխական ընտրութեան վերա-
բերեալ յայտարարութիւն էր բերում, չէր
համարձակուում գոտան շէմքից առաջ գալ,
իսկ հիմա... իւր պարտքն է համարել այցե-
լութիւն տալու խմբագրին... Յիլինդը թակ
լրագիր գրեց, որ չփոշոտուի... Տեսա՞ր նրա
փողկապի աղամանդը... Գնացիլ ես գրող ես
դառել, վնայ, գրողը տանի բեզ, Պատրիկ,
գրողը... ինձ էլ քեզ հետ, — աւելացրեց քար-
տուղարը և գնաց նստեց իւր տեղը:

—Դու ինձ այս ասա. հիմա լուրը կը-
գրես, չէ՞, — հարցրեց Պատրիկեանը, հեգնու-
րէն ժպտալով:

Քարտուղարը պատասխանի տեղ ձեռ-

քերը տարածեց խաչելութեան պէս, ուսերը
վեր քաշեց կոմիքական տարակուսանքով,
կարճ ժամանակ մտախոհութեան մէջ ընկաւ,
յետոյ յանկարծ նայեց ծոցի ժամացոյցին և
բացականչեց ոչ այնքան զայրացած, որքան
զարմացած.

—Ինչքան էլ ժամանակ խլեց անի-
ծուածը... Իսկ տպարանում նիւթ չկայ: Գը-
րիր, գրիր, Պատրիկ, մինչև որ տես-
նենք ինչ է գուրս գալիս այս էշի մարտի-
րոտութիւնից:

—Մանիր, մանիր, իմ նախարակ...», —
արտասանեց Պատրիկեանը, ծիծաղեց, առաւ
գրիչը և պատրաստուեց շարունակել սկսած
յօդուածն անսիրտ և դառնացած, ինքն էլ
չիմանալով ում և ինչի դէմ:

Իսկ այդ միջոցին քարտուղարն արդէն
գրում էր իւր մանր ու փութկոտ գրերով՝
«Մեր հայրենակից երգիչ Զափինեանը հե-
ւիրուած է այս սեզոնին երգելու Թիֆլիսի
արհմանական բաւոնում: Իսախայում իւր
արուեստը կատարելագործելուց յետոյ, նավեր-
ջին վեց տարուայ ընթացում երգել է Ռու-

սայի գանազան քաղ սենեռում, ի միջի այոց՝ Մոսկուայում եւ Պետերբուրգում, ուր, ճեղական բերքերի վկայութեամբ, մեծ ազդութիւն է ունեցել: Քիֆլիսում նա առաջին անգամ բեմ է ելնելու ամսոյս 10-ին Չայկովսկու «Նւգեցիյ Անեգիւն» օպերայի մեջ, Անեգիւնի դերում»:

Նա ուզում էր մի քանի խօսք ևս աւելացնել, հասարակութեան ուշադրութիւնը հրաւիրելով հայ տաղանդի վրայ, բայց, մտտածելուց յետոյ, բաւական համարեց գրածը, նայեց Պատրիկեանին և, տեսնելով որ նա գրում է շատ դանդաղ և անդադար գրութիւնը քորելով ասաց՝

— Պատրիկ ջան, շուտ արա, թէ չէ հրէս որտեղ որ է, կըգայ պատիկ հոգեառու և «նուր» կըպահանջի:

Մտաւ էքսպեդիտորը՝ պոստից ստացուած մի կոյտ լրագրներ և նամակներ ձեռքին: Քարտուղարն ամենից առաջ վրայ ընկաւ նամակներին և սկսեց աչքէ անցկացնել: Նա այնքան վարժուել էր, որ մի քանի տող վերևից, մի քանի տող մէջտեղից և մի քանի

տող վերջից կարդալուց յետոյ հասկանում էր ամբողջ նամակի բովանդակութիւնը և իսկոյն էլ վճռում՝ կարելի՞ էր տպել, թէ ոչ:

— Վահ, այս անիծուածները կարծես խօսքը մէկ են արել, որ գրեն քահանաների և տիրացուների մասին, — բացականչեց նա մի քանի նամակներ աչքէ անցկացնելուց յետոյ: — Քահանայ և տիրացու, տիրացու և քահանայ... կարծես թէ էլ ուրիշ բան չկայ գրելու, ես ձեռք...

Եւ զայրացած քարտուղարի բերանից սկսածայ դուրս թռան ինտելիգենտ մարդուն անվայել մի քանի խօսքեր քահանաներից և տիրացուներից դուրս ուրիշ նիւթ չգտնող թղթակիցների հասցէին: Նա վերցրեց այդ նամակները և ուզում էր պատռել ու ձգել գրասեղանի տակ դրուած զամբիւղը, բայց յիշելով, որ տպարանում նիւթ չկայ, մի կողմ դրեց: Նոյն կարգով շարունակեց աչքի անցկացնել մնացած նամակները և, ինչպէս երևում էր, այդ նամակներն ևս անպէտք էին, որովհետև նա իւր երկայն ու չոր մատներով ջղայնօրէն ուրբում ու փետրում էր

ցանցառ բխի ծայրերը: Այնուհետև, երբ բոլոր նամակներն աչքէ անցկացրեց պրծաւ, խոնարհուեց սեղանի վրայ և սկսեց ուղղել ամենից առաջ այն նամակները, որոնք քիչ թէ շատ հետաքրքրութիւն ունէին: Նա ջընջում էր անխնայօրէն անագին պարբերութիւններ, երբեմն ամբողջ երեսներ և տեղը գրում էր մի քանի տող միայն. ջնջում, փոխում կամ աւելացնում էր այս կամ այն տառը, պեղանտի նախանձախնդրութեամբ և համբերութեամբ պահպանելով լրագրի ուղղագրութիւնը, որի ստեղծողն ինքն էր:

Մինչդեռ Պատրիկեանը, սուս ու փուս նստած սեղանի ծայրին, շարունակում էր իւր յօդուածը, այլ ևս ուշադրութիւն չդարձնելով սենեակում ախրող ցրտին: Մի ժամից յօդուածն արդէն պատրաստ էր: Նա գրած թերթերը դարսեց իրար վրայ ըստ թուահամարների, դրեց քարտուղարի առաջ և վեր կացաւ:

— Ի՞նչ է, դու արդէն գնում ես, — հարցրեց քարտուղարը, գլուխը բարձրացնե-

լով և նայելով նրան իւր պլպլան ակնոցի միջից:

— Հա: Ես բոլորովին սառեցի այստեղ: Գնամ տեսնեմ ինչ եմ անում: Այսօր բան չեմ առել բերանս. թէյ էլ չեմ խմել: Տես այդ յօդուածը, — անսիրտ եմ գրել, — թէ որ բանի նման է՝ տպիր, թէ որ չէ՝ դամբիւղը ձգիր: Ցտեսութիւն:

Եւ Պատրիկեանը դիմեց դէպի դուռը, մի բոպէ կանգ առաւ նախասենեակում ինչ-որ անվճռականութեան մէջ, մեքենայաբար թափ տալով ձեռքին բռնած գլխարկը, յետոյ կամաց յետ դարձաւ և ասաց աւելի ևս կամաց կարծես վախենալով, որ մի երրորդ անձ կարող է լսել իրեն.

— Ձե՞ս կարող ինձ մի հինգ ուրբի փոխ տալ:


— Հինգ ուրբլի՞, — բացականչեց քարտուղարը, կարծես ապշած, որ նա այդքան մեծ գումար է պահանջում:

— Հա, խնդրում եմ: Սենեակիս վարձը պէտք է տամ:

Քարտուղարն արագօրէն հանեց իւր

մաշուած-ջարդուած պորտամոնէն, բաց արեց,
միջի փողը—սև ու սպիտակ դրամներ—թա-
փեց գրասեղանի վրայ և սկսեց համարել,
դրամները մէկ-մէկ քաշելով մի կողմ.—10,
20, 25, 35, 50, 55, 58, 60, 62 կողմէկ: Ահա
իմ ունեցած բոլոր կապիտալը: Թէ որ սրա-
նից 5 ուրբի գուրս կըզայ, վերցրու: Հինգ
ամիս է՝ ոռճիկ չեմ ստացել, կըհաւատամ
թէ չէ...

Պատրիկեանը ձեռքով յուսահատական
մի շարժում արաւ և գուրս գնաց:




ԱՂՅԻԻՐԻ նպատակն է հայ մատող սե-
լանդը գաստիարակել, ճշմա-
րիա լուսատուութեան շարիք նրան ցոյց տալ: Սէր
դէպի ընտրիներ, գիտութիւնը և մերձատորը—անա
թէ ինչ է ուսուցանում ԱՂՅԻՐԻ: Բարի նախանձ դէ-
պի փոնն ու ազնիւր և առելութիւն ու արհամար-
հանք դէպի չարն ու վնասակարը—անա ԱՂՅԻՐԻ
ուղղութիւնը: ԱՂՅԻՐԻ նոյն ծրագիրը նկատուող-
թիւն է սալիս մեզ ընդարձակ ծաւայով եւ մագնական
նոյն բովանդակութեամբ յոյս բնծայել մե. հանդէսը եւ
օգտակար ու նեստրեական դարձնել այն, եթէ հայեր
սոսկ սարեկան 3 ր. իրանց բաժանողա-յուրեանք
պահպանեն ԱՂՅԻՐԻ: Պէժմիան ստանում են Ազրիւր-
Տարազ միեւնոյն հասցեով ստացող բաժանողները,
վնարելով 10 ր. (արտասահման 18 ր. կամ 50 ճր.):
Միայն ԱՂՅԻՐ 3 ր. արս. 5 ր.: Ապառիկ բաժանող-
դողրութիւն չէ ընդունում:

Հասցէն՝ Тифлисъ, Редакція жур. АГБИОРЪ,
Tiflis, Caucase. Rédaction de la Revue ACBÛR.

Խմբագիր-հրատարակիչ՝ Տ. ՆԱԶԱՐԵԱՆ

Հով. Բ.



ՀՀ Ազգային գրադարան



NL0351721

46211

891.99

81-40